

涵芬樓古今文鈔

呂景端
書藏

酒樓古今文鈔

卷之四

涵芬樓古今文鈔卷九十七目錄

辭賦類

賦上六

避地賦 黃宗羲

獲麟賦 黃宗羲

擬璿璣玉衡賦 梅文鼎

粵江賦 施閏章

述歸賦 徐元文

謁孔林賦 朱彝尊

平蜀賦 潘耒

平滇賦 潘耒

心賦 焦袁熹

二十九句

述志賦 焦袁熹

俟軒賦 沈近思

君山賦 儲大文

四十六句

孤山伯夷廟賦 胡天游

和感二鳥賦 胡天游

竊曲賦 胡天游

方竹杖賦 胡天游

靜夜秋思賦 胡天游 三十六句

鐵琴賦 鮑 臯

惜陰賦 朱仕琇

懷舊賦 朱仕琇 三十二句

國書賦 全祖望

皇輿圖賦 全祖望

平定西域賦 紀昀

哨鹿賦 朱筠

後哨鹿賦 朱筠

登天井關賦 張九鉞

星象賦 吳錫麒

游黃山賦 張惠言

黃山賦 張惠言

鄧石如篆勢賦 張惠言

只四十四

五臺山賦 彭兆蓀

廣問大鈞賦 彭兆蓀

雁門關賦 彭兆蓀

託邏台弔楊太尉賦

彭兆蓀

苦寒賦

彭兆蓀

大鵬賦

金式玉

悼歸乙賦

金式玉

幽思賦

金式玉

四十八句

知己賦

金式玉

易象賦二首

董士錫

易消息賦

董士錫

答金朗甫知己賦

董士錫

思歸賦

董士錫

白雲賦

董士錫

憶梅賦

董士錫

計四十九句

哀郢陽賦

管同

擬嵇叔夜琴賦

方履錢

擬江淹江上之山賦

方履錢

擣素賦

班婕妤

東征賦

曹昭

鍼縷賦

曹昭

只有十句

賦下

太阿如秋水賦

賈餗

荷珠賦

白居易

姮娥奔月賦

蔣防

延陵季子掛劍賦

王起

蒲輪賦

王起

息夫人不言賦

白敏中

漢武帝重見李夫人賦

康僚

沛父老留漢高祖賦

王榮

江南春賦

王榮

漁父辭劍賦

宋言

數雞鳴度關賦

宋言

履薄冰賦

皇甫湜

送君南浦賦

黃滔

漢宮人誦洞簫賦

黃滔

有物混成賦

王曾

金在鎔賦

范仲淹

應天以實不以文賦

歐陽修

德車結旌賦 宋 庠

藏珠於淵賦 歐陽修

王畿千里賦 宋 祁

長嘯卻胡騎賦 范 鎮

首善自京師賦 王安石

圓丘象天賦 鄭 獬

厯者天地之大紀賦 蘇 頌

濁醪有妙理賦 蘇 軾

郭子儀單騎見虜賦 秦 觀

王道正則百川理賦 江 衍

佚道使民賦 林 希

周以宗彊賦 沈 初

公生明賦

許安世

舜琴歌南風賦

舒亶

智若禹之行水賦

孔平仲

四海以職來祭賦

孔武仲

三階平則風雨時賦

孔文仲

涵芬樓古今文鈔卷九十七

侯官吳曾祺纂錄

辭賦類

賦上六

避地賦

黃宗羲

嗟我生之不辰兮。逢家難於髫年。蘭芽之方茁兮。霜雪從而萎焉。覆巢無完卵兮。羌變姓於傭保之間。幸先皇之御厯兮。大憝授首而鯨鯢之。維時哭祭於闕下兮。醢奸骨以爲犧。先皇登萬歲山而見之兮。曰此忠死之孤兒也。雖紅日之照融兮。實魑魅之繁徒。宦奄人而歸來兮。孰不注東以僕姑。鳥聲慘爲車載板兮。獸幻而爲山都。予反首茆舍兮。念門戶之榛蕪。啟藝苑之春華兮。收儒林之秋實。竊自比於管樂兮。甯寔藪乎蓬華。夫名教之利刃兮。固不便乎腐朽者之風逸。遂狺狺詈爲黨人兮。禍復叢夫俊及。彼兩京之顛覆兮。曾不償孔壬之恩讎。我亦何罪何辜。

兮。竊獨罹此橫流。朝不坐宴不與兮。私天下爲一家之憂。榜朝堂而名捕兮。圍門閭以戈矛。待變熊蹯之熟兮。寄命日影之留。令無伏狀之泣兮。友鮮複壁之收。而乃避地於□□兮。觀日月之出沒。經亂礁之岑嶸兮。想文山之竭蹶。草木無所附麗兮。但見饑鷹千羣之倏忽。泊牡蠣之灘頭兮。昔光堯於是乎至止。數百年若旦暮兮。誠流涕而不能已。彼琴墮有還時兮。今庶幾其復爾。儼佛像於□田兮。遙千里而見之。歷以中土之耳目兮。祇崑瑣而自疑。鳬雁唼呷於鴻波兮。島嶼之逶迤也。熠燿明滅於紅窗兮。星宿之推移也。何馬蘭之弱草兮。數十尺而扶疎。行者往來其下兮。每墮蕊之紛如。瑞香亦五色兮。與荼蘼而間諸。凡島中之花鳥兮。視人世而竟殊。當夫百妖露。天水同。羣魚飛霧。海市當空。帆俄頃而千里兮。浪百仞而萬重。縱一瀉之所如兮。何天地之不通。越長岐與薩師瑪兮。乃□□夫□□方銷兵而忘載兮。粉飾乎隆平。招商人以書舶兮。七錄韓於東京。金石古奇器兮。比戶能辨其眞實。華堂隔以綾幔兮。月夜而齊鳴乎箏琶笙管。予旣惡其侈汰兮。日者

亦言帝殺夫青龍。返予旆而西行兮。胡爲乎口中而那避地於萬山兮。目視夫霄漢絕村落之煙火兮。支土鏖於巖畔。接十尋之瀑布兮。使受役於城旦。查梨瑣碎於秋林兮。丹合嫵媚於春澗。與猿鳥而爭食兮。偕樵蘇而相亂。當夫寒食之時。青松散粉兮。黃霧彌天。杜鵑環岡兮。紅霞匝地。復有苦鳥鳴夜兮。林花莫不爲之憔悴。處處哭聲。朝朝喪櫓。抱膝而歌蒿里兮。墓林紙錢又乘飈而突戾。嚴霜倒飛。白髮孤燈。不轉水樂。但聞鳥更。將放筆而就寢兮。開戶視夫中星。斯時高岡之甕下兮。似老人且欬而且行。旋繼之以猛虎兮。風颯颯而屋瓦不甯。習既久而不怪兮。反有以助予之淒清。而其雪合空山兮。黃菊無苗而梅花有骨。木客之跡無數兮。樵人之境皆沒。誰謂莫往莫來兮。亦有麋鹿之搪揅。甘露降於寒松兮。映初日之明煒。茲馨烈之鬯達兮。豈等級於醪醕。限之以一坦兮。凝至和於中庭。亦有高人訪道。至我廬邊。古松流水。算子鏗然。悲屠龍之技兮。僅世外之可傳。蓋將埋名與草腐兮。不虞爲野火之所妒。以淵明之苦節兮。天亦不憐其遲暮。況余之瑣瑣兮。

又焉能免夫孤露。悲藥圃之就荒兮。聽流水之侵路。彷徨齋之易卦兮。聊避地於市廛。求昔時之屠狗兮。遊酒人以亡年。釋亡命之疑兮。因避地於城郭。守不見諸侯之介兮。齊咎譽之寂寞。最此二十年兮。無年不避。避不一地。念遷播之未定兮。老冉冉其已至。於是返故居。鍵六枳。蓬蒿滿。琴書肆。苟歌哭之有常兮。豈怨風雨之不蔽。尋松陽湖之蹟兮。按黃竹浦之記。放翁稱夫蜀山兮。九靈發其藍水。二蘭絕江可望兮。雙瀑舉足可企。何墜簡之紛如兮。留久湮之祕圈。鷄牧豕其間兮。不辭爲鄉里之所鄙。詎料龍蛇起陸兮。百毒一時而匯。蚍蜉直欲撼大樹兮。蜂蠆亦結而成隊。僕區之法亡兮。桑梓滌而無類。未十年而又避地兮。奉老母而竄於海隅。累故書之千篋兮。歎家具之一車。襁女孫之三孩兮。因世亂而憐渠。一室分爲庖湏井臼兮。盈丈而共鷄犬圖書。談文正之遺事兮。猶彷彿乎牛屯。九亭石屋之延連兮。昔汝湖之所園也。羌獨不得際於斯時兮。甯功名之足論。遊東山之古寺兮。悵亡宋之哭聲。歷千載而不散兮。悲天運之復丁。東觀口口兮。曾中流而擊楫。

挽墜日於虞淵兮。恨此志之未捷。雖同舟之已盡兮。而老兵退卒或留於灰劫。相與指點殘陽之下兮。無異尋乎夢中之蝶。蓋聞承平之父老兮。終身不見夫兵革。獨喪亂之於予兮。前未往而後復迫。疲曳而不免避地兮。尙遑遑其何適。亂曰。採野葛以爲糧。飲之以鵠血兮。結蓼花以爲佩。美人復貽予以苦蘗兮。彼桃李之豔陽。阻風波而莫適兮。苟前修之不爽。又何庸厭射兮。

獲麟賦

黃宗羲

康熙己巳。斗柄東指。麟見餘姚。烏山胡氏牛之將產。神光照里。狼項馬足。鬻身牛尾。遍體肉鱗。間以金紫。口如噴血。聲函宮徵。其文采之陸離。豈馬牛虎鹿之可擬。唯其爲天下所不恆有。雖婦人小子亦知其爲是。謂之祥者。曰歲星所散。萬人沾壽。哲聖鳴庭。必明王在宥。玉書墜地。而至聖稽首。其至也因時。故出也不偶。謂之不祥者。曰鉏商一獲。而周室衰。孝武一獲。而漢祚微。元和章和。凡三年而五十一見。章帝何德以堪之。安帝延光。亦且三見。孝獻一年之間。十見於京師。蒼麟十六。

石虎列之庭墀。晉唐以降。無代無有。而孟蜀之邦。乃至多於狐狸。昌黎有言。謂之不祥也亦宜。予曰。夫窮理者必原其始。在物者必有其因。深山大澤。龍蛇是屯。風雨晦明。下與物親。馮龍馬駒。馮牛麒麟。是皆龍種。故夔出乎見聞。惟茲烏山。當海之濱。春郊風暖。陌上草薰。或降或飲。溼耳千羣。遇靈物之蜿蜒。覺和氣之綢繆。逮其生也。張煙霧於海際。耀光景於良辰。世方以爲怪。實不異馬牛虎鹿之胎娠。麟見之明年。蛟蜃之出以千計。益可以驗龍之所臻。或者不推物理之自然。而唯陳言之是循。則祥不祥之辯。徒爲警說之紛紜也。

擬璿璣玉衡賦有序 梅文鼎

易言治歷策數當期。典重授時。中星紀歲。蓋七政璿璣之制。類先天卦畫之圖。原道必本乎天。儒者根宗之學。制器以尙其象。帝王欽若之心。理至難言。以象顯之。則理盡。意所未悉。以器示之。則意明。故揚雄覃思渾天。用成元草。平子精探靈憲。聿闡元樞。覆矩仰規。一行以之。衍策天根。月窟。堯夫於焉弄丸。此聖學之攸先。匪

術家之私尙也。況姬公之法。受於商高。而神禹之疇。肇諸河洛。平成永賴。實資句股圓方。才藝碩膚。爰有南車記里。高深廣遠。寸矩以御。幾何律度量衡。萬事斯爲根本。旣圓頂而方趾。敢忘高而負深。苟俯察而仰觀。必徵理而稽數。家傳大易。竊慕韋編。世濟清甯。恭逢鉅製。竭歐邏之巧力。紹蒲坂之芳型。洵心理之胥同。中西胾合。亶後來之居上。今古無雙。雖株守山陬。遲覩靈臺之美。而心儀法象。遙忻神器之成。僭擬短章。臆窺鴻典。無裨采聽。聊當衢歌云爾。

至哉渾儀之爲器也。體天地之撰。類經緯之情。微顯闡幽。窮高極深。殆更僕莫殫其蘊。累牘難悉其能者矣。粵自道生宇宙。肇爲大圓。健運無息。東西斡旋。七政錯行。宿離糾紛。交光羅絡。終始相嬗。雖有離朱。孰閱其端。聖喆挺生。仰俯觀瞻。積候成悟。蹟探隱索。論六虛之瞻貌。詎日營兮可獲。迺範金兮爲儀。縱若衡兮八尺。厯以之治兮。象以之覈。堯命羲和。四隅分宅。制閏成歲。釐工熙績。匪有器以御之。孰所憑而推策。虞帝受之。璣衡以設。敬天勤民。兩聖一轍。嗣三統兮迭更。茲重器兮